

文殊師利所說般若波羅蜜經

翔

文殊師利所說般若波羅蜜經

梁扶南三藏僧伽婆羅譯

如是我聞一時佛在舍衛國祇樹給孤獨園
與大比丘衆一萬人俱及諸菩薩摩訶薩十
萬人俱皆悉住於不退轉地久已供養無量
諸佛於諸佛所深種善根成就衆生淨佛國

土得陀羅尼獲樂說辯成就智慧自足功德
以自在神通遊諸佛世界放無量光明說無
盡妙法教諸菩薩入一相門得無所畏善降
衆魔教化度脫外道邪見若有衆生樂聲聞
者說聲聞乘樂緣覺者說緣覺乘樂世間者
說世間乘以布施持戒忍辱情進禪定智慧
攝諸衆生未度者度未脫者脫未安者安未
泥洹者令得泥洹究竟菩薩所行善入諸佛
法藏如是種種功德皆悉具足其名曰文殊
師利法王子菩薩彌勒菩薩普光明菩薩不
捨勇猛精進菩薩藥王菩薩寶掌菩薩寶印
菩薩月光菩薩白淨菩薩大如菩薩無量

菩薩得勤精進菩薩力幢相菩薩相菩薩
自在王菩薩如是等菩薩摩訶薩十萬人俱
并餘天龍鬼神等一切大衆皆悉來集爾時
世尊於中夜時放大光明青黃赤白雜玻璃
色普照十方無量世界一切衆生觸此光者
皆從卧起見此光明皆得法喜咸生疑惑此
光何來普遍世界令諸衆生得安隱樂作是
念已於二光復出大光明照耀殊特勝於前
光如是展轉乃至十重一切菩薩及諸比丘
比丘尼優婆塞優婆夷天龍夜叉乾闥婆阿
脩羅迦樓羅緊那羅摩睺羅伽人非人等咸
皆踊躍得未曾有各各思念必是如來

光明我等應當疾至佛所禮拜親近恭敬
來是時文殊師利及諸菩薩摩訶薩衆遇此
光者歡喜踊躍充遍身心各從住處到祇洹
門尔時舍利弗大目捷連富樓那彌多羅尼
子摩訶迦葉摩訶迦旃延摩訶俱絺羅皆從
住處到祇洹門帝釋四天王上至阿迦尼吒
天亦觀光明歎未曾有與其眷屬賣妙天華
天香天樂天寶衣一切皆悉到祇洹門其餘
比丘比丘尼優婆塞優婆夷天龍八部遇光
歡喜皆來到門

尔時世尊一切種智知諸大衆悉已在門從
住處起出至門外白鋪法座結跏趺坐

科弗汝今晨朝來門外乎舍利弗白佛言世
尊文殊師利等菩薩摩訶薩皆悉先至

尔時世尊告文殊師利汝於晨朝先至門乎
文殊師利白佛言如是世尊我於中夜見太
光明十重照耀得未曾有心懷歡喜踊躍無
量故來禮拜親近如來并欲願聞甘露

尔時世尊告文殊師利汝今真實見如
文殊師利白佛言世尊如來法身本不可見
我為衆生故來見佛佛法身者不可思議無
相無形不來不去非有非無非見非不見如
如實際不去不來非無非有非處非非處非
一非二非淨非垢不生不滅我見如來亦復

如是佛告文殊師利汝今如是見如來乎
文殊師利白佛言世尊我實無見亦無見相
亦時舍利弗白文殊師利我今不解汝之所
說云何如是見於如來文殊師利荅舍利弗
大德舍利弗我不如是見於如來舍利弗白
文殊師利如汝所說轉不可解文殊師利

舍利弗不可解者即般若波羅蜜般若
蜜非是可解非不可解舍利弗白文殊師利
汝於衆生起慈悲心不汝爲衆生行六波羅
蜜不復爲衆生入涅槃不文殊師利荅舍利
弗如汝所說我爲衆生起慈悲心行六波羅
蜜入於涅槃而衆生實不可得無相無形不

增不減舍利弗汝常作是念一一世界有恒
河沙等諸佛住世恒河沙劫說一一法教化
度脫恒河沙衆生一一衆生皆得滅度汝有
如是念不舍利弗言文殊師利我常作是念
文殊師利若舍利弗如虛空無數衆生亦無
數虛空不可度衆生亦不可度何以故一切
衆生與虛空等故舍利弗白文殊師利若
一切衆生與虛空等汝何故爲衆生說法令得
菩提文殊師利若舍利弗菩提者實不可得
我當說何法使衆生得乎何以故舍利弗菩
提與衆生不一不二無異無爲無名無相實
無所有

爾時世尊出大人相肉髻光明殊特希有不可稱說入文殊師利菩薩摩訶薩法王子頂還從頂出普照大眾照大眾已乃遍十方一切世界是時大眾觸此光明身心快樂得未曾有皆從座起瞻仰世尊及文殊師利咸作是念今日如來放此奇特微妙光明入文殊師利法王子頂還從頂出普照大眾照大眾已乃遍十方非無因緣必說妙法我等但當勤修精進樂如說行如是念已各白佛言世尊如來今日放此光明非無因緣必說妙法我等渴仰樂如說行如是白已默然而住

爾時文殊師利白佛言世尊如來放光加感

神力此光希有非色非相不生不動不
靜非見非聞非覺非知一切衆生無所覩見
無喜無畏無所分別我當承佛聖旨說此光
明令諸衆生入無相慧尔時佛告文殊師利
善哉善哉汝善快說吾助尔喜

文殊師利白佛言世尊此光明者是般若波
羅蜜般若波羅蜜者是如來如來者是一切
衆生世尊我如是修般若波羅蜜

尔時佛告文殊師利言善男子汝今如是說
深般若波羅蜜我今問汝若有人問汝有幾
衆生界汝云何答文殊師利白佛言世尊若
人作如是問我當答言衆生界數如如來界

佛告文殊師利若人問汝衆生界廣狹云何
汝云何答文殊師利白佛言世尊若人作如
是問我當答言如佛界廣狹文殊師利若復
問汝衆生界繫在何處當云何答世尊我當
答言如如來繫衆生亦尔文殊師利若復問
汝衆生界住在何處當云何答世尊我當答

言住涅槃界

佛告文殊師利汝如是修般若波羅蜜般若
波羅蜜有住處不文殊師利白佛言世尊般
若波羅蜜無有住處佛告文殊師利若般若
波羅蜜無住處者汝云何修汝云何學文殊
師利白佛言世尊若般若波羅蜜有住處者

我無所修我無所學

佛告文殊師利汝修學般若時有善根增減
不文殊師利白佛言世尊無有善根可增可
減若有增減則非修般若波羅蜜世尊不為
法增不為法減是修般若波羅蜜不斷凡夫
法不取如來法是修般若波羅蜜何以故

尊般若波羅蜜不為得法故修不為不得法

故修不為修法故修不為不修法故修世尊

無得無捨是修般若波羅蜜何以故不為生

死過患不為涅槃功德故若如是修是修般

若波羅蜜不取不受不捨不放不增不減不

起不滅故世尊若善男子善女人作是思惟

此法上此法中此法下非修般若波羅蜜
以故無上中下法故世尊我如是修般若波
羅蜜佛告文殊師利一切佛法非增上耶文
殊師利白佛言世尊佛法菩薩法聲聞緣覺
法乃至凡夫法皆不可得何以故畢竟空故
畢竟空中無佛法凡夫法佛法凡夫法中無

畢竟空何以故空不空不可得故

佛告文殊師利佛法無上不文殊師利白佛
言世尊無有一法如微塵許名爲無上何以
故檀波羅蜜檀波羅蜜空乃至般若波羅蜜
般若波羅蜜空十力十力空四無所畏十八不
共法乃至薩婆若薩婆若空空空中無無上無

上中無空空不空畢竟不可得故世尊不可
思議法是般若波羅蜜佛告文殊師利汝不
思惟佛法耶文殊師利白佛言世尊我若思
惟佛法我則見佛法無上何以故無生死故
世尊五陰十二入十八界畢竟不可得一切佛
法亦不可得不可得中無可得不可得故世
尊般若波羅蜜中凡夫乃至佛無法無非淺
我當思惟何等法乎佛言善男子若無思惟
汝不應說此凡夫法此緣覺法乃至不應說
此是佛法何以故不可得故世尊我實不說
凡夫法乃至佛法何以故不修般若波羅蜜
故佛言善男子汝亦不應作如是意此欲界

此色界此無色界何以故不可得故世尊欲
界欲界性空乃至無色界無色界性空空
無說我亦無說世尊修般若波羅蜜不見上
不見不上何以故世尊修般若波羅蜜不取
佛法不捨凡夫法何以故畢竟空中無取捨
故佛告文殊師利善哉善哉汝能如是說深
般若波羅蜜此是菩薩摩訶薩印文殊師利
若善男子善女人非於千萬佛所深種善根
得聞此法乃於無量無邊佛所深種善根乃
得聞此甚深般若波羅蜜不生怖畏
文殊師利復白佛言世尊我當承佛威神當
更說甚深般若波羅蜜佛告文殊師利善哉

善哉。忽聽汝說文殊師利白佛言。世尊若不
得法。生是修般若。若波羅蜜。何以故。諸法無有
性。故若不得法。住是修般若。若波羅蜜。何以故。
諸法如實。故若不得法。滅是修般若。若波羅蜜。
何以故。諸法寂滅。故世尊若不得色。是修般若。
若波羅蜜。乃至不得識。是修般若。若波羅蜜。
何以故。一切諸法如幻如炎。故世尊若不得眼。
是修般若。若波羅蜜。乃至不得意。是修般若。若波
羅蜜。若不得色。乃至不得法。不得眼界。色界
眼識界。乃至不得法界。意識界。是修般若。若波
羅蜜。若不得欲界。是修般若。若波羅蜜。乃至無
色界。亦如是。世尊若不得檀。波羅蜜。是修般若。

若波羅蜜乃至不得般若波羅蜜是修般若
波羅蜜若不得佛十力四無所畏乃至十八
不共法是修般若波羅蜜何以故內空故乃
至無法有法空故世尊若得生住滅非修般
若波羅蜜若得五陰十二入十八界非修般
若波羅蜜若得欲界色界無色界非修般若
波羅蜜若得檀乃至般若若得佛十力乃至
十八不共法非修般若波羅蜜何以故以有
得故世尊若善男子善女人聞此甚深般若
波羅蜜不驚不疑不怖不退當知是人來於
先佛深種善根文殊師利復白佛言世尊若
不見垢法不見淨法不見生死果不見涅槃

果不見佛不見菩薩不見緣覺不見聲聞不見凡夫是修般若波羅蜜何以故一切諸法無垢無淨乃至無凡夫故世尊若見垢淨乃至見凡夫非修般若波羅蜜世尊若見垢淨法差別淨法差別乃至見佛差別凡夫差別非修般若波羅蜜何以故般若波羅蜜無差別故佛告文殊師利善哉善哉是真修行般若波羅蜜文殊師利汝云何供養佛文殊師利白佛言世尊若幻人心數滅我則供養佛佛告文殊師利汝不住佛法乎文殊白佛言世尊佛法可住我云何住佛告文殊師利若無佛法可住誰有佛法文殊白佛言世尊

無有有佛法者佛告文殊師利汝今已到無
所著乎文殊白佛無著則無到云何世尊問
已到無著佛告文殊汝住菩提不文殊白佛
言世尊佛尚不住菩提何況我當住菩提乎
佛告文殊師利汝何所依作如是說文殊白
佛我無所依作如是說佛告文殊汝若無依
爲何所說文殊白佛如是世尊我無所說何
以故一切諸法無名字故

尔時長老舍利弗白佛言世尊若菩薩摩訶
薩聞此深般若波羅蜜不驚疑怖畏必定得
近阿耨多羅三藐三菩提不

尔時彌勒菩薩白佛言世尊若諸菩薩摩訶

薩聞此深法不驚疑怖畏得近阿耨多羅三藐三菩提不

尔時有天女名無緣白佛言世尊若有善男子善女人聞此深般若波羅蜜不驚疑怖畏當得聲聞法緣覺法菩薩法佛法不

尔時佛告舍利弗如是如是舍利弗若諸菩薩摩訶薩聞此深般若波羅蜜不驚疑怖畏必定當得阿耨多羅三藐三菩提是善男子善女人當爲大施主第一施主勝施主無等施主當具足戒忍精進禪定智慧當具諸功德成就相好自不怖畏令人不怖畏究竟般若波羅蜜以不可得無相無爲成就第一不可

思議法故佛告文殊師利汝何所見何所樂
求阿耨多羅三藐三菩提文殊師利白佛言
世尊我無見無樂故求菩提佛告文殊師利
若無見無樂亦應無求文殊師利白佛言世
尊我實無求何以故若有求者是凡夫相
佛告文殊師利汝今真實不求菩提耶文殊

白佛我真實不求菩提何以故求菩提者是
凡夫相佛告文殊師利汝爲定求爲定不求
文殊白佛若言定求定不求定不求定非
求非不求是凡夫相何以故菩提無住處故
佛告文殊師利善哉善哉汝能如是說般若若
波羅蜜汝先已於無量佛所深種善根以修

梵行諸菩薩摩訶薩樂深法者應當如所說
學如所說行文殊白佛我不於無量佛所深
種善根不久修梵行何以故我若種善根則
一切衆生亦種善根我若修梵行則一切衆
生亦修梵行佛告文殊師利汝何見何證說
如是語文殊白佛我無見無證亦無所說世

尊我不見凡夫不見學不見無學不見
非無學不見故不證爾時舍利弗白文殊師
利汝見佛不文殊師利荅舍利弗我尚不見
聲聞人何況當見佛何以故以不見諸法故
謂爲菩薩舍利弗白文殊師利汝今決定不
見諸法耶文殊師利荅舍利弗大德去比丘

汝止不須復說舍利弗白文殊師利謂為佛
者是誰語言文殊師利荅舍利弗佛非佛不
可得無有言者無有說者舍利弗菩提者不
可以言說何況有佛可言可說復次大德舍
利弗汝說佛者是誰語言此語言不捨不散
不生不滅不去不來無有一法可與相應無

字無句大德舍利弗欲見佛者當如是學

尔時舍利弗白佛言世尊此文殊師利所說
新發意菩薩所不能解文殊師利荅舍利弗
如是如是大德舍利弗菩提非可解新發意
者云何當解舍利弗白文殊師利諸佛如來
不覺法界耶文殊師利荅舍利弗諸佛尚不

可得云何有佛而覺法界舍利弗法界何
何得云何當有法界爲諸佛所覺舍利弗法
界者即是菩提菩提者即是法界何以故諸
法無界故大德舍利弗法界佛境界無有差
別無差別者即是無作無作者即是無爲無
爲者即是無說無說者即無所消舍利弗白

文殊師利一切法界及佛境界悉無所有耶
文殊師利答舍利弗無有無不有何以故有
及不有一相無相無一無二故舍利弗白文
殊師利如是學者當得菩提耶文殊師利答
舍利弗如是學無所學不生善道不墮惡趣
不得菩提不入泥洹何以故舍利弗般

羅蜜畢竟空故畢竟空中無一無二無三無
四無有去來不可思議大德舍利弗若大言
我得菩提道是增上慢說何以故無得謂得
故如是增上慢人不堪受人信施有信人不
應供養舍利弗白文殊師利汝何所依作如
是說文殊師利答舍利弗我無所依作如是
說何以故般若波羅蜜與諸法等敬諸法無
所依以平等故舍利弗白文殊師利汝不以
智慧除斷煩惱耶文殊師利答舍利弗汝是
漏盡阿羅漢不舍利弗言此也文殊師利言
我亦不以智慧除斷煩惱舍利弗言汝何所
依作如是說不怖不畏文殊師利言我的不

可得當有何我而生怖畏舍利弗言善哉善哉
哉文殊師利快說如是甚深般若波羅蜜

尔時佛告文殊師利言善男子有菩薩摩訶
薩住菩提心求無上菩提不文殊師利白佛
言世尊無菩薩住菩提心求無上菩提何以
故菩提心不可得無上菩提亦不可得五無

間罪是菩提性無有菩薩起無間罪心求無
間罪果云何有菩薩住菩提心求無上菩提
菩提者是一切諸法何以故色非色不可得
故乃至識非識亦不可得眼非眼不可得乃
至意非意不可得色非色不可得乃至法非
法不可得眼界非眼界乃至法界非法界亦

不可得生非生不可得乃至老死非老死亦
不可得檀波羅蜜非檀波羅蜜不可得乃至
般若波羅蜜非般若波羅蜜亦不可得佛十
力非佛十力不可得乃至十八不共法非十
八不共法亦不可得菩提心無上菩提皆不
可得不可得中無可得不可得是故世尊無
善薩住菩提心求無上菩提者佛告文殊師
利汝意謂如來是汝師不文殊師利白佛言
世尊我尚不可得何況當有意謂佛是我師
佛告文殊汝於我有疑不文殊白佛言世尊
我尚無決定何況當有疑何以故先定後疑
故佛告文殊師利汝不定言如來生耶不殊

白佛如來若生法界亦應生何以故法界如
 來一相無二相二相不可得故文殊師利汝
 信諸佛如來入涅槃不文殊師利言一切諸
 佛即涅槃相涅槃相者無入無不入佛告文
 殊師利汝言諸佛有流轉不文殊師利白佛
 言世尊不流轉尚不可得何況流轉當可得

佛告文殊師利如來無心唯如來前可說此
 語或漏盡阿羅漢及不退菩薩前可說此語
 若餘人聞此語則不生信當起驚疑何以故
 此甚深般若波羅蜜難信難解故文殊師利
 白佛言世尊復何等人能信此甚深法佛告
 文殊師利一切凡夫能信此法何以故如來

無心一切凡夫亦無心故文殊師利白言
世尊何故作如是說法新發意菩薩及阿羅
漢咸皆有疑願聞解說佛告文殊如實相法
性法住法位實際中有佛有凡夫差別不文
殊白佛言不也世尊佛告文殊若無差別何
故生疑文殊白佛言世尊無差別中有佛有
凡夫不佛言有何以故佛與凡夫無二無差
別一相無相故佛告文殊汝信如來於一切
衆生中最勝不文殊師利白佛言世尊我信
如來於一切衆生中最勝世尊若我信如來
於一切衆生中最勝則如來成不最勝佛告
文殊汝信如來成就一切不可思議法文

殊師利白佛言世尊我信如來成就一切不可思議法世尊我若信如來成就一切不可思議法如來則成可思議佛告文殊師利汝信一切聲聞是如來所教化不出尊我信一切聲聞是如來所教化則法界成可教化佛告文殊師利汝信如來是無上福田不出尊我信如來是無上福田世尊我若信如來是無上福田如來則非福田佛告文殊師利汝何所依作如是答我文殊白佛言世尊我無所依作如是答世尊無所依中無勝無不勝無可思議無不可思議無教化無不教化無福田

無非福田是時以佛神力地六種震動一萬
大千比丘衆以無可取心得解脫七百比丘
尼衆三千優婆塞衆四萬優婆夷衆遠塵離
垢得法眼淨六萬億那由他諸天遠塵離垢
得法眼淨

是時長老阿難即從座起偏袒右肩右膝著

地合掌恭敬白佛言世尊何因何緣此地大

動爾時佛告阿難此說般若波羅蜜往古諸

佛皆於此處說此法以是因緣故此地振動

爾時長老舍利弗白佛言世尊此文殊師利

所說不可思議爾時世尊告文殊師利如舍

利弗所說此文殊師利所說不可思議爾時

文殊師利白佛言世尊若不可思議則不可
說若可說則可思議不可思議者無所有彼
一切聲亦不可思議不可思議者無聲佛告
文殊師利汝入不可思議定不文殊師利白
佛言不也世尊若我入不可思議定者我則
成可思議世尊心無心我當云何入不可思
議定復次世尊我初發菩薩意言我當久不
可思議定我今無此意當入不可思議定世
尊如初學射先作此意我當射棚射棚成已
後作是念我當射皮射皮成已復作是念我
當射木射木成已復作是念我當射鐵射鐵
成已無復前意隨其箭中皆能徹過我亦如

是昔初發意求入不可思議定我於今日無
復此意當入不可思議定何以故此定不可
思議故尔時舍利弗白佛言世尊文殊師利
未應得住何以故離此不可思議定更有寂
靜定是其所應得故文殊師利白舍利弗言
汝云何知離此不可思議定更有寂靜定大
德舍利弗若此不可思議定可得者可離此
定有寂靜定若此不可思議定不可得者彼
寂靜定亦不可得何以故以此不可思議定
不可得故彼亦不可得復次大德舍利弗無
有衆生不得此定者一切衆生皆得此定何
以故一切諸心無心故彼無心性即是此定

是故一切衆生皆得此定

今時世尊歎文殊師利善哉善哉如汝所說
是最勝義汝於久遠無量佛所深種善根能
作是說文殊師利汝作是念我住般若波羅
蜜能說此言不文殊師利白佛言不也世尊
我無此念世尊若我有此念我住般若波羅

蜜能說此言者我則住可得法世尊我若住
我相則有是念是故世尊我不作此念住般
若波羅蜜能說此言今時佛告文殊師利誰
當信汝所說文殊師利白佛言世尊若人不
執生死及涅槃相是人信我所說又若人堅
執有我若人具三毒此人不能信何故是

及煩惱無可滅故。余時世尊歎文殊師利等
哉善哉。汝能善說。

亦時長老摩訶迦葉白佛言。世尊。未來世誰
能信此深法。誰樂聽此法。

佛告迦葉。即今日四眾比丘比丘尼優婆塞
優婆夷。於未來世能信此法。聞說此深般若。

波羅蜜。當知此法當求此法。迦葉。譬如長者
或長者子。已失一大寶珠。價直億萬兩金。大
生憂惱。後更還得。生大歡喜。憂惱悉滅。如是
迦葉。比丘比丘尼優婆塞優婆夷。於未來世
聞此最深般若。波羅蜜。經與般若相應。聞已
生喜。心得安樂。無復憂惱。亦復如是。當作是

言我等今日得見如來供養如來所以者何
以得聞此甚深微妙六波羅蜜故迦葉譬如
三十三天見波利質多羅樹初生炮時作如
是念此炮不久必當開敷如是迦葉比丘比
丘尼優婆塞優婆夷聞此般若波羅蜜經必
生歡喜亦復如是迦葉此深般若波羅蜜如
來滅後當住不滅處處流行迦葉以佛力故
未來世中若善男子善女人當得此深般若
波羅蜜迦葉如摩尼珠師見摩尼寶心生歡
喜不假思量即知真偽何以故以慣見故如
是迦葉若人聞此般若波羅蜜相應法聞已
歡喜生信樂心當知此人先世已聞此般若

波羅蜜從久遠劫來已曾供養諸佛迦葉白
佛言世尊此善男子善女人今聞此法於未
來世轉復信解佛告摩訶迦葉如是如是如
汝所說今時文殊師利白佛言世尊此法無
行無相說此法者亦無行無相云何世尊說
有行相佛告文殊師利善男子善女人行相
者所謂信此法受持此法以無所得心故行
亦無所得相亦無所得文殊師利若善男子
善女人樂此無所得當聽此般若波羅蜜若
善男子善女人欲得不退轉地當聽此般若
波羅蜜若善男子善女人欲信一切諸法與
法界等當聽此般若波羅蜜若善男子善女

人欲知一切諸法當聽此般若波羅蜜若人
得信此義當聽此般若波羅蜜若人不樂念
一切諸法當聽般若波羅蜜何以故此般若
波羅蜜不見一切諸法故文殊師利若善男
子善女人欲知一切諸法不淨不穢當聽此
般若波羅蜜若善男子善女人欲得無疑當
聽此般若波羅蜜若善男子善女人欲發悲
遍覆一切衆生不住衆生相不與世間諍當
聽此般若波羅蜜尔時文殊師利白佛言世
尊般若波羅蜜無我無我所無起無滅無因
無果無可執持云何聽受而得功德佛告文
殊師利般若波羅蜜無作無滅非凡夫

聖人法非生死法非離生法非涅槃法非
離涅槃法無得無失非可思議非不可思議
若善男子善女人如是聽受則與般若波羅
蜜相應是為功德亦無功德

復次文殊師利若菩薩摩訶薩欲得菩薩定
欲知一切諸佛名欲見一切諸佛世界欲聞

一切諸佛所說法欲行諸佛法當學此般若
波羅蜜今時文殊師利白佛言世尊何故名
般若波羅蜜佛告文殊師利般若波羅蜜者
無量無邊無方無處無去無來無作無為即
是一切諸佛法界故名般若波羅蜜文殊師
利此般若波羅蜜是菩薩摩訶薩行

於此處行故名行處。何以故以無處故。如是
一切諸佛之母。一切諸佛所從生。故何以故
以無生故。是故文殊師利若善男子。善女人
欲行菩薩行。具足諸波羅蜜。當修此般若。若波
羅蜜。若欲得坐道場。成無上菩提。當修此般
若波羅蜜。若欲以大慈大悲。遍覆一切眾生。

當修此般若。若波羅蜜。若欲起一切定。方便當

修此般若。若波羅蜜。若欲得一切三摩跋提。當

修此般若。若波羅蜜。何以故。諸三摩跋提。無所

為故。一切諸法。無出離。無出離處。若人欲隨

逐此語。當修般若。若波羅蜜。一切諸法。如實不

可得。若欲樂如是。知當修般若。若波羅蜜。一切

衆生爲善提故修善提道而實無衆生亦
善提若人欲信樂此法當修般若波羅蜜何
以故一切諸法如實與善提等如非衆生行
不捨自性衆生行無所有故彼衆生行是非
行彼非行是善提彼善提是法界若欲不著
世法當修般若波羅蜜文殊師利若比丘比
丘尼優婆塞優婆夷若受持般若波羅蜜一
四句偈爲他人說我說此人得不墮法何況
如實修行當知彼善男子善女人住佛境界
文殊師利若善男子善女人聞此甚深般若
波羅蜜不生怖畏當知此人受佛法印此法
印者是佛所造是佛所貴何以故以此法

印無著法故若善男子善女人爲此印所印
當知是人隨菩薩乘決定不退不墮聲聞辟
支佛地尔時釋提桓因及諸天子從三十三
天雨細末栴檀及細末金屑又散鬱波羅華
鉢頭摩華拘物陀華分陀利華及曼陀羅華
以供養般若波羅蜜供養已作如是言我已

供養無上無著最第一法願我來世更聞此
深般若波羅蜜若人已爲此深般若波羅蜜
印之所印願其未來復得聽受究竟成就薩
婆若智尔時釋提桓因白佛言世尊若善男
子善女人聞此般若波羅蜜一經於耳我爲
增長佛法故守護彼人面自由不令欺人

得其便也是善男子善女人究竟當得阿耨
多羅三藐三菩提我當日日往到其所而設
供養尔時佛告釋提桓因如是如是憍尸迦
當知彼善男子善女人具足佛法必定得至
阿耨多羅三藐三菩提

爾時文殊師利白佛言唯願世尊以威神力
持此般若波羅蜜久住於世為欲饒益諸衆
生故文殊師利說此語時以佛神力大地六
種震動尔時世尊即便微笑放大光明遍滿
三千大千世界以威神力持此般若波羅蜜
令久住世尔時文殊師利復白佛言世尊放
此光明是持般若波羅蜜相佛告文殊師利

如是如是文殊師利我故此光明是持般若
波羅蜜相文殊師利汝今當知我已持此般
若波羅蜜久住於世若有人不輕毀此法不
說其過當知是人已爲此深般若波羅蜜印
之所印是故文殊師利我於久遠安住此印
若人已爲此印所印當知是人不爲魔王之所
所得便佛告帝釋汝當受持讀誦此經廣爲
流布使未來世諸善男子善女人得此法印
復告阿難汝亦受持讀誦廣爲人說
時天帝釋及長老阿難白佛言世尊當何名
此經我等云何奉持佛言此經名文殊師利
所說亦名般若波羅蜜如是受持善男子若

人於恒沙劫以無價寶珠布施恒沙劫。衆生衆生受已悉發道心。是時施主隨其所宜。示教利喜。令得須陀洹果。至阿羅漢果。是人所得功德。寧爲多不阿難白。佛言。甚多。世尊。佛言。善男子。若人起一念心。信此般若波羅蜜經。不誹謗者。比前功德。出過百倍千倍百

千萬億倍。乃至算數譬喻。所不能知。何況其足受持讀誦。爲人解說。是人所得功德。無量無邊。諸佛如來說。不能盡。何以故。能生一切諸佛。薩婆若。故若虛空有盡。則此經功德盡。若法性有盡。則此經功德盡。是故文殊師利。善男子。善女人。應勤行精進。守護此經。經

能滅生死一切怖畏能摧天魔所立勝幢能
將菩薩到涅槃果示教訓導離於二乘
尔時帝釋及以阿難俱白佛言世尊如是如
是誠如佛言我等當頂戴受持廣宣流布唯
願如來不以為慮如是三白言願不為慮我
等當頂戴受持

佛說此經竟文殊師利等諸菩薩摩訶薩合
利弗等比丘比丘尼優婆塞優婆夷天龍夜
叉乾闥婆阿脩羅迦樓羅緊那羅摩睺羅伽
人非人等一切大衆聞佛所說皆大歡喜信
受奉行

艾殊師利所譯般若波羅蜜經

戶官反六八七 夾反 射堦下音明也堦音墮

串也俱患反一用慣 習習 金屑下先反一末 薩婆若下世反此

一切

一切經南都善光院

為助觀善祐信士

京松任屋首清



